

Guangjisi Minzcu Bau

ganhhau: CN45-0036 B.2014 Nd.4 Ng.30 liggaueq gyapngux nienz ndwenseiq co' ngeih

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3121期

Nanzningz Si Doenggvaq Fueng- anq Fazcanj Saehnieb Vah Saw

南宁市通过方案发展语言文字事业

Geij ngoenz gonq, Nanzningz Si Cwngfuj ciuhai cangzvu veiyi, saemj-lwnh doenggvaq 《Nanzningz Si Gvancez <Guekgva Cunch Cangziz Vah Saw Saehnieb Gaijgwz Nem Fazcanj Gveihva Ganghyau> Saedhengz Fueng'anq》 (genjdanh heuhguh 《Fueng'anq》), 《Fueng'anq》 baijok le fuk dozlamz gvendaengz fazcanj doenghgij vah saw guekgva doengyungh nem doenghgij vah saw saujsu minzcuz.

Aen 《Fueng'anq》 neix gangj:

gohyoz henhoh doenghgij vah saw saujsu minzcuz nem vahdeihfueng Vahgun ywnzva, cingqden dwk cawqleix gij gvenhaeh gak cungj vah saw, ciuq faplwd cawqleix ndei aen vwndiz gvendaengz hagsib nem sawjyung doenghgij vah saw guekgva doengyungh nem doenghgij vah saw saujsu minzcuz de, haenqrengz cauxguh aen vanzging vah saw ndawbiengz de ndaej daengz souj-fap, cangqvuengh, huzndei...henhoh doenghgij vah saw saujsu minzcuz,

caenh' itbouh gyagiengz guh hong Cuengh Gun song vah saw son-hag, Vahcuengh Sawcuengh suijbingz gaujsi, guh ndei Vahcuengh Sawcuengh gij hong vabsug gveihfanva de, dajsuenq ndei guh gij hong laeb aen sugigu miz sing geiq Vahcuengh Nanzningz de, haigoeng diuhcaz, ciengjgouq nem henhoh Nanzningz Si gij vah saujsu minzcuz, gij vah saujsu minzcuz cingq bienq nyieq de.

(Veiz Yenzfuz)

SIUSIK DINJ

简讯

● Geij ngoenz gonq, Libuj Yen gyoengq cwnghez veijyenz ndaejnyi Bujluz Yauzcuz Yangh yaek laeb Yauzcuz cinzlezgvanj danh-seih cienz mbouj gaeuq, gak boux cwnghez veijyenz gag nyienh gien ngaenz, dangqnaj, gungh comz ndaej 10 fanh maenz gien hawj aen yangh neix guh Yauzcuz cinzlezgvanj.

(Ciengj Yi)

● Bi' gvaq, Yungzanh Yen nyinhcaen saedhengz gak hangh cwngcwz hawj nungz-minz souh'ik, rengzrwd dwk coicaenh lajmbanj sevei ginghei cienzmienh fazcanj, nungzminz souhauej gyalai gig vaiq, aen yienh neix bi' gvaq nungzminz moix boux bingz-yaenz cinghsouhauej 7506 maenz, hwnjlai 15%.

(Veiz Cujswz)

● Ciuq Sihlinz Yen Cuz-bez Yauzcuz Yangh Linz-yezcan bouxfucwz naeuz, daj bineix 1 nyied daeuj, aen yangh neix gaenq ndaem faexsamoeg 2 fanh moux. Gaenh bi daeuj, samoeg gaenq baenz aen yangh neix aen canjyez daeuz ndeuz.

(Cinz Hungzsingh)

● Dangqnaj, Ningzmingz Yen Aiden Cin Ganh' ai Cunh Mbanjginzmoh guhbaenz diuz roen mbanj gaep 2.7 goengleix raez ndeuz, neix hawj mbanj Yauzcuz diegbya neix miz goenglo lo.

(Lungz Yenyinh)

● Daj bineix daeuj, Lungzswng Gak Cuz Swciyen leihyung seizhoengq nem seiz nungzminzgungh dauqranz, mienxfei beizyin vnzlai lajmbanj hag dennauj, dajdoq, guhcievax, dengungh, hangungh daengj ginwnz beizyin. Couh youq ndwen gonq 17 hauh, aen yienh neix ciueyz fuzvu cungsim beizyin Majdiz Yangh nungzminz hag dennauj.

(Veiz Gizyangz Yangz Lizfeih)

Lozcwngz: Guh Vwnzyi Yienjok Angqcoux "Vujiyiz"

罗城:举行庆“五一”文艺演出



4 nyied 28 hauh, Lozcwngz Mulaujcuz Swciyen vwnzdijgiz caeuq cungjgunghvei lienzhab youq minzcuz vwnzva gvjangcangz gawjhengz vwnzyi yienjok, angq hoh "vujiyiz" gozci lauzdungceez, aeu gij fuengsik vnzlai gyaemaij de, haenh vnz mbanj Mulaujcuz haenqrengz gaenx guh, hawj gyoengqvunz Mulaujcuz lai haenqrengz guhhong, engq ndei dwk angqcoux aen yienh neix laebbaenz 30 hopbi. Ndaw doz dwg doenghboux yenjyenz cingq angq yienj cezmuz.

(Mungz Cwnghswh ingi)

Bingzgoj: Diegdeih Hawj Bouxwnq Yungh Le 15000 Lai Ranz Saujsu Minzcuz Souh' ik

平果:土地流转惠及 15000 多户少数民族农民

Gaenh bi daeuj, Bingzgoj Yen yawjnaek nungzyez gveihmozva gingyingz nem canjyezva fazcanj, gyagiengz sonyinx nem gveihfan lajmbanj bienqdoengh gij gienzleih bau diegdeih de, coicaenh nungzyez fazcanj, nungzminz laisou. Ciuq gyoepsuenq, aen yienh neix doenggvaq bienqdoengh gij

gienzleih bau diegdeih de ndaej fazcanj daegsaek nungzyez 4.5 fanh moux, guh baenz 3 aen sifan gihdi, moix aen fanh moux, song aen sifan gihdi, moix aen 3000 moux, gvendaengz nungzminz 15982 hoh, nungzyez giyez nem conhyez hozcozse 46 aen. Bi' gvaq miz 28500 lai vnz

ndaej daengz gak aen dajndaem gihdi guh honglingz, moix boux laisou 9600 maenz, neix saedyienh le "song fwngz nungzyez", couhdwg nungzminz fwngzswix gaem cienz co diegdeih, fwngzgvaz gaem cienzgoeng.

(Bingzgoj Minzcuzgiz)